

Voter Information Guide

Tshekuan ma uet tshipa ui mashinatautishunau ?

Meshinatautishunanuti, kassinu nenu auen natamik^u eshinakushit innu minakanu nenu tshetshi tutak. Tshimashinatautishunan tshetshi tshimanakaniht anitshenat tshe takuaitseht, tshe ishinakutaht nenu inniunnu mamu tshe inniunanunit.

Tshekuan an meshinatautishunanuti ?

Ne meshinatautishunanuti, **tshutinanu ne auen ka minuatak** nete ka utshipanit tshitassinat. Ne tshe mashinatauakanit ka mishta-uitshiakanit eukuan an tshe kaniut. Tshika ishi-uinakanu miam **ka utshimaut nete ka mishanit tshishe-utshimau mashinaikanitshuapit Canada.**

Tsheku-aimuna tshe ui nishtuapataman

Ne **auen ka natshi-mashinatautishut** eukuan an ne auen ka itatupipuneshit kutunnu ashu nishuaush mak ka utshipanit ute Canada assit.

Anitshenat tshe **mashinatauakaniht** eukuan anitshenat ka ui tshimanikushiht

Ne **mashinaikan ka uinakaniht auenitshenat** ekute anite uanakaniht auenitshenat tshe natshi-mashinatautishuht.

Nika itishaimakaun **kanu tshe uitamakauian katshi mashinatautishuian**. Eukuan an uatamakuian tekuak nitishinikashun nete mashinaikanit ka uinakaniht auenitshenat mak tanite tshe natshi-mashinatautishuian.

Ne **eshinikatet mashinaikanitshuap tshe mashinatautishunanut**, ekute anite tshe ituteian ui natshi-mashinatautishuiani.

Ne **auen ka tshitapatak mashinatautishunanuti** nika minik^u mashinaikanuianu. Tshika tshi uitshieu auennua tshetshi mashinautsheniti anite mashinaikanuianit.

Ne **ka tapatshimat nenua ka natshi-mashinatautishuniti** tshika pikushinataim^u nitishinikashunu nete mashinaikan ka uinakaniht auenitshenat miam natshi-mashinatautishuaki.

Ne **mashinaikanuian**, ekute anite meshinatauakaniht anitshenat tshe mashinatauakaniht anitshenat ua pitutsheht.

Ute Canada assit, mashinatautishunanu **eka auen tshetshi tshissenitak** auennua ka utinakaniti.

Anite **mitshuapissit** ekute anite tshe tat aku auen tshe mashinatautishut. Katshi mashinaimani ne nimashinaikanuian, nika ui minau ne auen ka tshitapatak mashinatautishunanuti, tshika manam^u nenu ka kashteuannua tshekuannu, apu tshika ut nutenak tshetshi eka tshissenitak tshekuannu meshinatenit. Ekue minuut, nin ekue pitaiman nete **miutit** ka takuaki neni kutaka mashinaikanuiana.

Tshe mashinatautishuian – Nin an ninaushunen

Miam meshinatautishunanuti, nika ui itishaimakaun **kanu tshe uitamakauian katshi mashinatautishuian** tshe minikauian aimun uatamakauian tekuaq anite nitishinikashun nete **mashinaikan ka uinakaniht auenitshenat**.

Mishta-apatishu ne kanu.

Ni uitamakun tan tshe ishi-pimuteian, tanite mak tan ishpish tshe natshi-mashinatautishuian. Eka itishaimakuiani ne kanu, nika tshi aimin nete mashinaikanitshupit **Ka mashinatautishunanut Canada**, tshetshi natu-tshissenitaman tshe ishi-pimuteian tshetshi mashinataikanit nitishinikashun nete mashinaikan ka uinakaniht auenitshenat tshetshi natshi-mashinatautishuian.

Nika tshi **minikaun eshinikatakaniht anitshenat tshe mashinatauakaniht** nete shatshuapatamani ka atusseu-katshitapatakanit Ka mashinatautishunanut Canada assit neme ka itashtet www.elections.ca miam tshitshipaniti neme tshe mashinatautishunanut. Nika tshi natu-tshissenimauat anitshenat eshinikatakaniht anitshenat tshe mashinatauakaniht mak etatusseht nete uitakaniti kaimu-mishtikut, tauapeikaikan kanatutakanit, tipatshimu-mashinaikanit mak nete tauapeikaikan katshitapatakanit kie ma aimikau anitshenat nuitsheuakanat, nikanishat. Nika mashinataua ne auen ka utinak tshetshi uitshiak mak tshe **pimutitat nitaimunnu**.

Tan tshe ishi-pimuteian tshetshi mashinatautishuian ?

Nishtuait nipa tshi ishi-pimuten.

Nika tshi tshishat natshi-mashinatautishun.

Kassinu auen eka katshi natshi-mashinatautishut kie ma eka ka ui natshi-mashinatautishut miam utshitshipaniti tshishikunu tshetshi mashinatautishunanunit, tshika tshi tshishat natshi-mashinatautishu.

Kassinu auenitshenat eshinakushiht tshetshi mashinatautishuht tshika tshishat natshi-mashinatautishuat.

Nika tshi natu-tshisseniten neni tshishikua mak tanite tshe natshi-mashinatautishuian neme tshishat ui mashinatautishuiani, nete tshika mashinataikanu kanut itishaimakauiani kie ma nete nika tshi aimin Ka mashinatautishunanut Canada assit, mashinataikanitshe nete kanut tshe itishaimakauian.

Nika tshi mashinatautishun mashinaikanuian ait ka ishinakushit apatshiak.

Ne mashinaikanuian ait ka ishinakushit tshika tshi itishauakanu kie ma tshika tshi teu nete **umashinaikanitshupit ne auen ka tshitapatak mashinatautishunanuti** nete pessish uetshipanian.

Nika tshi etatu natu-tshisseniten nete aimiani mashinaikanitshuapit Ka mashinatautishunanut Canada assit.

Nika tshi natshi-mashinatautishun miam neme tshishik^u utshitshipaniti mashinatautishunanuti.

Miam utshitshipaniti tshetshi mashinatautishunanut, nika tshi ituten nete meshinatautishunanut mitshuap.

Ne tshishik^u mak tatutipaikana tshe nutenakanit mak tanite tekuak ne mashinaikanitshuap tshe mashinatautishunanut, uitakanu nete kanu tshe itishaimakauian.

Nete mashinaikanitshuap tshe mashinatautishunanut, nika uapaten ne atshitashun ka itashtet nete nikanumit ka itishaimakauian. Tshika nishuat anite kupanieshat ashpi-mitshuakanit : ne **auen ka tshitapatak mashinatautishunanuti** mak ne **ka tapatshimat nenua ka natshi-mashinatautishunuti.**

Nika uiten **eshinikashuian mak tanite epian**, ne auen ka tshitapatak mashinatautishunanuti. Ishinakuan nanitam tshetshi kassinu auen mashinatauakanit nete mashinaikan ka uinakaniht auenitshenat.

Ishinakuak tshetshi eka mashinataukauian nete mashinaikanit, **nika mashinataukushin neme tshishik^u miam mashinatautishunanuti.** Ne auen ka tshitapatak mashinatautishunanuti eukuan an tshe uitamuak mak nika ui minau **nenu uetshipanuk mak epuk.** Nika tshi ashit uiten muk^u tshiam uetshipanian mak tanite epian nika ui nimenen nitshitshi mak nika ui uitsheuau ne auen shash ka mashinatauakanit, tshetshi uitak neshtuapamit.

Ne ka tapatshimat nenua ka natshi-mashinatautishunuti **pikushinataim^u nitishinikashunnu** tshetshi tshissenitakanit katshi natshi-mashinatautishuian.

Ne auen ka tshitapatak mashinatautishunanuti ni minik^u mashinaikanuianu shash napuetinakannu.

Nika **tshi uitshik^u** animuiani tshetshi mashinataiman ne nimashinaikanuianim.

Ui uitshikushiani, nika tshi auen uitshek^u nete mitshuapissit aku ituteiani, peik^u nuitsheuakan kie mak peik^u nikanish.

Nete aku mitshuapissit nika ituten. Apu auen tshi uapatak tshekuannu meshinataimuak.

Nitshipaiatikushtan, peik^u X nimashinatain nete upime auen ka uitshiak.

Ni nipuetinen nimashinaikanuianim tshetshi eka auen tshitapatak kie tshetshi eka auen tshissenitak ka ishi-utinak auen.

Ni minau ne auen ka tshitapatak mashinatautishunanuti nenu nimashinaikanuianima. **Manam^u nenu ka kashteuana tshekuannu.**

Ne ka tshitapatak mashinatautishunanuti, kau ekue minit nenu mashinaikanuianu.

Nin ekue pitaiman ne mashinaikanuian nete miutit.

Tshetshi etatu natu-tshissenitamekⁿ : www.elections.ca 1 800 463-6868 (apu tshishikashunanut)